

SOLO Di Pueblo

Afl. 1.25

BRIYANDO FUERTE • TRECIENDO CLARIDAD
DIARAZON 17 JANUARY 2024

**E DI DOS ENCUESTA
DI SENTIMENTO DI
BISHITANTE**
Bou di 1522 turista; Grado di
satisfaccion y probabilidad pa regresa ta
hopi halto

WWW.SOLODIPUEBLO.COM SOLODIPUEBLO@GMAIL.COM

**ELIMINA ATRASO, MEHORA
SERVICIO Y DIGITALISACION**
**“ARUBA LO HAYA 3.5
MIYON EURO DI UNION
EUROPEO PA DIGITALISA
PROCESONAN DEN
GOBIERNO”**



**POLIS A
DETENE
“BETTO”
KENDEKIER
A ATACA UN
PERSONA Y
SU CACHO
CU CUCHIU
DEN PANA-
MASTRAAT**



**Pa doñonan di trabou y
pensionadonan
ENTRANTE AÑA 2024
PENSIONADONAN TA
PAGA MENOS PRIMA DI
AZVE PRIMA DI AZV TA
WORDO REDUCI**

**MINISTER ENDY CROES A
CORONA TIANA TROMP COMO
REINA DI COLEGIO E.P.I. 2024**
Masha pabien na Jean Marie Hernandis
cu a sali primera finalista



E DI DOS ENCUESTA DI SENTIMENTO DI BISHITANTE

Bou di 1522 turista; Grado di satisfaccion y probabilidad pa regresa ta hopi halto



Den e ultimo cuartal di 2023, Aruba Tourism Authority (A.T.A.) a actualisa su Encuesta di Sentimento di Bishitantenan ('Visitor Sentiment Survey') cual el a conduci como parti di e estudio di capacidad di carga na 2017/2018. A.T.A. ta actualisando varios analysis di e rapport aki pa asina por compara e situacion actual cu esun di e momento na 2017/2018 (y den cierto caso cu mas momento unda a midi). Kier subraya e hecho cu A.T.A. mensualmente ta midi kiko e bishitante ta sinti di su experiencia y ta raporta riba esaki mensualmente pa medio di su raport mensual di estadistica ('Statistical Monthly Report'). Tambe kier subraya cu ta midi e Sentimento di nos Residentenan tambe, a haci esaki e.o. na 2018 y 2022.

E estudio aki ta un replica di 2017/2018 unda a midi te na unda e grado di aceptabilidad ta bai ora ta trata e topico di multitud di hende ("crowdedness") na e respectivo sitio. Pues e sentimento/percepcion di e bishitante ora e wordo confronta cu e diferente nivel di multitud na e sitio. Business IQ hunto cu studiantenan di Universidad di Aruba a keda encarga pa ehecuta e estudio na 14 diferente sitio turistico rond di nos isla. E encuesta a wordo haci bou di 1522 persona cu tabata bishitando nos isla.

A haci preguntanan tocante e

probabilidad di e bishitantenan pa bolbe bishita e sitionan aki si e condicionnan cambia. Aki ta papia di condicionnan manera cantidad di persona presente na e sitio y di e medio ambiente rond di e sitio. E analisis a compara e resultado cu un estudio similar cu a wordo haci na 2017/2018. Mester menciona cu tin algun sitio adicional cu a wordo agrega na e estudio di 2023 pa yega na un total di 14 sitio. Entre e sitionan por conta cu: California Lighthouse, Alto Vista, Bushiribana, Casibari, Ayo Rock Formation Awards, Quadirikiri, Fontein y na diferente di nos beachnan.

Algun di e resultadonan principal di e Encuesta di Sentimento di Bishitanten ta inclui cu por lo general, participantenan di e estudio a experencia cu e sitionan bishita no ta demasiado ocupa / yen di hende of demasiado satura.

Di un scala di 1 pa 5, caminda cu 1 ta hopi improbabel y 5 ta hopi probabel, bishitantenan a indica cu nan tin hopi probabilidad pa bolbe bishita e sitionan turistico caminda e encuesta a tuma luga. For di e 14 sitionan caminda e encuesta a tuma luga, mester menciona cu Baby Beach a wordo clasifica como esun mas ocupa, sigui pa Eagle Beach, Palm Beach y Arashi. Ayo y Casibari a wordo clasifica como e sitionan menos ocupa.

Pa A.T.A., e opinion di nos

bishitantenan ta crucial pa señala areanan cu mester di extra atencion y pa tuma medidanan. A.T.A. lo actualisa como tal e consehoylista di posibel accionnan (inclui den e ultimo estudio), cu mester ser tuma pa contraresta desaroyonan negativo /y stimula esnan positivo. Mester subraya cu esaki ta otro esfuerzo di A.T.A. pa trece feedback concreto dilanti, pa

asina conhunto cu esnan concerni .. tuma e accionnan debido.

A.T.A. su esfuerzonan local lo sigui ta enfoca riba entre otro (y den ningun orden di prioridad!): (a) e sitionan mas bishita (b) riba nos playanan (c) nos hendenan/ servicio (d) nos seguridad (e) nos naturalesa y medio ambiente, y riba hopi mas.

OKÉ TAKE AWAY

Menu

- Comcomber stoba
- Boonchi cora cu rabo
- bacalao
- Steak di wea
- chicken mushroom
- Mochi pisca
- porkchop-

PA DOÑONAN DI TRABOU Y PENSIONADONAN

Entrante aña 2024 pensionadonan ta paga menos prima di AZV

E prima di AZV ta wordo reduci



Departamento di Impuesto ta informa tur pensionado y nan doño di trabou, cu entrante aña 2024 e prima di AZV ta wordo reduci y ta bira 5,5% riba e prome Afl. 30.000 di entrada of salario. Te cu aña 2023, e porcentahe tawata 6,5%. E reduccion di 1% ta valido pa tur pensionado cu tin e edad di 65 aña of mas.

Si e entrada of salario di e pensionado surpasa Afl. 30.000 pa aña, e ta paga 10,5% riba e suma restante.

Entrada maximo pa cobra prima di

AZV E entrada maximo pa cobra prima (premieloongrens of premie-inkomen) di AZV no ta cambia y ta keda Afl. 85.000 pa aña 2024. Esaki ta nifica cu si e salario of entrada di un pensionado surpasa Afl. 85.000, e ta paga e suma maximo di Afl. 7.425 pa aña na prima di AZV.

Ehempel:

P

remieloongrens of premie-inkomen Afl. 56.000
Calculacion di prima di AZV

5,5% riba 30.000 ta Afl. 1.650

10,5% riba 26.000 (56.000-30.000) ta Afl. 2.730

Den e ehempel aki e pensionado lo paga total

Afl. 4.380 na prima di AZV den aña 2024.

Pa tur otro persona cu no ta pensionado (di edad te cu 64 aña) no tin cambio. E premieloongrens of premie-inkomen ta Afl. 85.000 pa aña y e porcentahe ta 10,5%. E prima maximo di AZV ta Afl. 8.925 maximo pa aña (85.000 x 10,5%). Departamento di Impuesto ta haci un apelacion special na e doñonan di trabou pa tene cuenta cu e cambionan ora cu calcula e prima di AZV di un pensionado pa asina por retene e suma corecto.

Gerencia di Departamento di Impuesto
16 di januari 2024

MINISTER GEOFFREY WEVER TA ELABORA RIBA PLAN PA DESAROYO DI 'ORANGE ECONOMY' Y EMPRESARIONAN CREATIVO NA SAN NICOLAS

Como Minister di Asuntonan Economico, Comunicacion, y Desaroyo Sostenibel, Geoffrey Wever su mision ta pa pone San Nicolas, e "heart and soul" di nos isla, na e adelanto di desaroyo economico. Durante un conferencia di prensa e mandatario a anuncia cu lo inicia un esfuerzo pa stimula y transforma e sector creativo - e Orange Economy - den e area.

Ta reconoce e importancia di e Orange Economy como motor economico y fuente di progreso y adelanto. Nos plan no solamente ta enfoca riba inversion den infraestructura, pero creacion di oportunidadnan pa nos ciudadanonan. Minister Wever ta pone enfasis riba e "capacity building", empoderando nos hendenan y mustranan riba e potencial di nan skills creativo, asegurando cu nan no lo ser laga atras

den e desaroyo.

E meta di e plan 'Development Orange Economy in San Nicolas - Empowering the Creative Industries for Economic Transformation' ta pa genera empleo y prosperidad pa e area, mientras ta atrae mas bishitante y revitalisa e bida urbano. Cu e empuhe y enfasis riba e Orange Economy di parti di gobierno, kier demostra no solamente na esnan den e industria, pero tambe sector financiero cu tin oportunidad cu ta 'bale la pena' inverti den e sector.

Lo tin actividadnan cu lo wordo ehecuta durante henter e aña pa no solamente mehora e area, sino tambe pa subraya e potencial di San Nicolas como un ciudad creativo: un lugha pa biba, traha y diverti.

Parti di e plan ta e serie di



Creative Entrepreneurship Workshops, organisa pa IDEA. E obhetivo ta pa educa, inspira, y fortalece e empresarionan creativo, brindando nan "tools" pa logra exito. E workshops lo tuma lugha den 'The Hub' na San Nicolas, cu e prome workshop dia 21 di februari 2024. Lo trata temanan manera planeacion, lanzamiento,

maneho, y expansion di negoshi.

Adicionalmente, lo tin un simposio di Orange Economy na april, celebrando e Dia Internacional di Creatividad y Innovacion. E evento aki lo conta cu presencia di expertonan, representantenan di sector publico y priva, y

creativonan pa discuti strategianan, bon practicanan, y cooperacion pa capitalisa e potencial di e sector creativo. Ta un oportunidad pa reconoce y stimula e crecimiento di e Industrianan Creativo y Cultural (CCI) di Aruba, y atrae inversion for di fuentenan tanto domestico como internacional.

Minister Dangui Oduber

TPEF TA FINANCIA UN OTRO BUNITA PROYECTO: RENOBACION DI E “MODERN ART GALLERY” DI MUSEO ARQUEOLOGICO NACIONAL ARUBA



Arqueologico ta confirma cu tin un crecimiento den bishitantenan na nos museonan. Ta resalta cu den aña 2022, 4000 local y turista a bishita nos museonan y na aña 2023, esaki a subi te cu 10.000 bishitante.

Minister Dangui Oduber a indica cu su maneho di turismo ta dirigi na trece turismo di calidad, pa trece e turistanan afuente y ta sigui enfoca den diversificacion di nos turismo. E cultura di Aruba ta importante pa nos por comparti na nos turistanan.


Finalmente Minister Dangui Oduber kier a gradici e board di TPEF pa a aproba e fondo di e proyecto di renobacion. Tambe danki na Museo Arqueologico Nacional Aruba y tur cu a haci e proyecto aki posibel.

Minister di Turismo y Salud Publico sr. Dangui Oduber, hunto cu Minister di finanzas sra. Xiomara Maduro, sr. Raul Gei, Director Monumenten Bureau Aruba, sr. Francois Geerman Director di Museo Arqueologico y sr. J. Van Kessel representante di Van Kessel Havenbouw Aruba, ta anuncia cu a firma un acuerdo pa por renoba y sigui inverti den nos herencianan cultural. E proyecto di renobacion di e edificio di Modern Art Gallery (MAG) na Ecury Complex, ta un otro bunita proyecto cu ta bay wordo financia pa Tourism Product Enhancement Fund (TPEF).

cultura pa un di 3 biaha. Diferente proyecto cu a wordo haci caba manera; instalacion di airconan nobo, restaura dak di Permanent Exhibition Area (PEG) y awo restaura ful MAG. Minister Dangui Oduber ta splica cu TPEF ta un fondo di presupuesto cu ta haci inversionnan den embeyecemento di producto Aruba. E fondo ta inverti tambe den nos herencianan cultural y ta mantene nos costanan limpi. TPEF a bin ta financiando varios proyecto rond di Aruba pa cu nos turismo.


Ademas, e meta tras di e proyectonan aki ta pa conserva e autenticidad di Aruba su cultura y herencia pa nos turistanan por bishita nos museonan y pa asina por siña mas di nos historia. E intencion tras di e invercionan aki ta pa atrae mas bishitante na nos museonan y Museo

TPEF ta bay funda e proyecto aki via su “Erfgoed”/“Heritage Post” y e proyecto aki lo demora aproximadamente cinco luna bou di guia di Monumenten Bureau Aruba. Ta pa nota cu TPEF ta funda proyectonan di

 OPENBAAR MINISTERIE ARUBA		
Corte di Prome Instancia 18 januari 2024		
Horario	Sospechoso	Acto Castigabel
14.00	G.U.J.P.	Pro forma. P. ta wordo acusa di a abusa sexualmente di tres persona riba tres diferente fecha, esta, 28 di maart 2023, 26 di april 2023 y 28 di oktober 2023.
14.00	Y.M.T. E.R.F. J.A.C.	Pro forma. M.T. ta wordo acusa di a viola ley di droga den e periodo di 8 di augustus 2023 te 18 di september 2023. R.F. y C. ta wordo acusa di a viola ley di droga den e periodo di prome di augustus 2023 te 20 di september 2023 y den e periodo di prome di augustus 2023 te 25 di september 2023.
14.00	J.P.T.G.C.	Pro forma. C. ta wordo acusa di kiebrot y ladroncia di van di un compania riba 10 di oktober 2023. E ta wordo acusa di ladroncia di un caha di placa riba e fecha menciona. E ta wordo acusa di intento di asesinato di un persona riba 10 di oktober 2023, dor di hinke varios biaha cu un cuchio na su nek y dal e varios biaha cu un biga na su cabez y na su curpa, a consecuencia di cual e hende a resulta gravemente herida. E ta wordo acusa di a maltrata un otro persona intencionalmente riba e dia en cuestion, dor di dal e varios biaha cu un biga na su curpa, a consecuencia di cual e hende aki tambe a resulta herida di gravedad. E ta wordo acusa di intento di ladroncia cu violencia di dos truck di un compania riba e mes 10 di oktober 2023. E violencia tabata dirigi contra dos persona y a encera cu C. a dal nan mokete den cara y a menaza nan cu un raspo.
14.00	J.B.	Pro forma. B. ta wordo acusa di a viola ley di droga riba 7 di oktober 2023.

MINISTER ENDY CROES A CORONA TIANA TROMP COMO REINA DI COLEGIO E.P.I. 2024

Masha pabien na Jean Marie Hernandis cu a sali primera finalista



: Diabierna ultimo, Minister di Enseñansa y Deporte Endy Croes a asisti na e Eleccion di Reina di Colegio E.P.I. cu a tuma luga riba tereno di e scol. E aña aki seis (6) candidata di Colegio E.P.I. di diferente sector a competi pa e corona, esta Jill, Aisha, Mandy, Jean Marie, Tiana y Valery. Tabata un anochi placentero, unda docente-, estudiante-, famia- y amigonan tabata presente pa apoya nan candidata preferi.

Tiana Tromp, kende a representa klas AA4-1A di Unidad Salubridad & Servicio (S&S), a bira reina di Colegio E.P.I. 2024 y Minister Endy Croes tabatin e honor di coron'e. Banda di esaki, Tiana a hiba e premio di Social Media Queen, Best Performance, Best Costume y Best Speech. Representante di klas LTH-1E di Unidad Hospitalidad y Turismo (H&T), Jean Marie Hernandis, a sali primera finalista y a hiba e premio di Mas Popular y Best Make Up. Tambe tabatin entretenimento di Dj Nutzbeatz, Groove Masters y brassband cu a pone un dushi ambiente e anochi aki, unda cu tur presente por a baila y gosa hunto cu e reina di Colegio E.P.I.

Un tremendo evento Carnavalesco cu e team di Unidad di Hospitalidad y Turismo a organisa. Minister Endy Croes ta felicita directora general di Colegio E.P.I. Sra. Ankie Danker, staf y maestronan cu ta brinda tur sosten na



e studentenan. Minister Endy Croes ta felicita Tiana Tromp cu a sali reina di Colegio E.P.I. 2024 y Jean Marie Hernandis cu a sali primera finalista, alabes ta apaudi tur participante cu a subi escenario y duna un bunita presentacion e anochi aki.

Prome Minister Evelyn Wever-Croes:

Tres meta principal pa departamentonan cu ta resorta bou Prome Minister pa aña 2024:

ELIMINA ATRASO, MEHORA SERVICIO Y DIGITALISACION

“ARUBA LO HAYA 3.5 MIYON EURO DI UNION EUROPEO PA DIGITALISA PROCESONAN DEN GOBIERNO”



pa nos ciudadanonan y digitalisacion y pa asina e resultandonan lo ta tremendo manera ta e caso di e Departamento di Censo cu ya a wordo digitalisa, y ta traha hopi eficiente, ta duna un servicio hopi bon y lihe na ciudadanonan y no tin atraso. Esaki, pa Gobierno ta un ehempel pa traha riba otro departamentonan y pa fin di aña mas departamento por realisa e cambionan aki y brinda miho servicion na e pueblo di Aruba.

Prome Minister a duna di conoce cu na fin di februari Minister di Economia Geoffrey Wever lo firma un acuerdo cu Union Europeo pa Aruba haya 3.5 miyon Euro pa digitalisa procesonan den Gobierno. E placa aki Aruba lo no ricibi den un solo biaha y tampoco por uza esaki pa otro cos, pero especificamente pa digitalisacion di tur proceso y asina purba elimina tardansa y problemanan manera por ehempel esun actual di kavel pa Carnaval.

“Procesonan lo ta completamente automatiza y transparente pa asina tur hende por mira kico ta locual ta pasa y con e proceduranan lo ta. Esakinan ta e metanan cu sigur lo por bin cu su retonan, pero mi tin tur fe y confiansa cu 2024 lo bay ta un bon aña pa logra cada meta proponi, cu energia y hopi determinacion. Aña 2024 ta aña di Stabilidad y Prosperidad y ta riba e fundeshinan aki, hunto nos ta logra”, Prome Minister a expresa.

Nos ta den e prome simannan di aña 2024 y cada ministerio di Gabinete Wever-Croes hunto cu departamentonan di Gobierno lo enfoca riba un aña miho cu e aña tras di lomba na unda tur meta por wordo realisa. Pa loke ta trata su ministerio di Asuntonan General, Innovacion, Organizacion Gubernamental, y Infraestructura y Planificacion Teritorial, y departamentonan cu ta resorta bou di esakinan,

Prome Minister Evelyn Wever-Croes a duna di conoce cu e ta den e proceso pa reuni cu tur e departamentonan aki pa asina hunto fiha e metanan concretamente pa cada departamento pa asina segura cu lo logra e metanan proponi den e aña aki.

Prome Minister a enfatisa cu e tres areanan principal cu e lo concentra mas riba dje ta pa elimina atraso, mehora servicio

Corte di Prome Instancia 19 januari 2024

Horario	Sospechoso	Acto Castigabel
08.30	G.D.K.	K. ta wordo acusa di posesion di un arma di candela riba 13 di juni 2023 y di a viola ley di droga riba 2 di oktober 2022.
09.15	C.A.v.A.	V.A. ta wordo acusa di abuso sexual di nueve persona menor di edad den e periodo di april 2019 te februari 2022. E ta wordo acusa di a viola castidad y decencia na lugarnan publico (den cercania di dos scol y na Seroe Blanco) den e periodo di december 2021 te february 2022, dor di muestra su parti intimo y masturba. E ta wordo acusa di distribucion y posesion di pornografia infantil di aña 2019 te aña 2022, dor di saca potretnan di un persona menor di edad. E ta wordo acusa di intencionalmente manda fotonan ofensivo y indecente di su parti intimo na tres of mas persona den e periodo di april 2019 te februari 2022. V.A. ta wordo acusa di a viola decencia na un lugar publico (un hotel) riba 20 di februari 2023, dor di drenta baño di damas y muestra un persona su parti intimo.



NURSE DI CURASON, SEMPER CLA PA YUDA MAX ABECIA TA HOH SU EMPLEADO DI AÑA 2023!



Diasabra Horacio Oduber Hospital a tene su tremendo fiesta anual pa empleadonan cu e aña aki tabata yena di color. Durante e ambiente festivo a tuma un momento pa gradici tur colega pa e tremendo trabou cu a eherce durante 2023 y alabes tambe pa anuncia e empleado di aña di HOH 2023. Hospital ta haya importante pa demonstra gratitud y aprecio na cada momento na coleganan y sigur esnan cu ta destaca di un of otro forma. Ya pa basta aña ta

saca empleado di luna y tambe merecidamente e empleado di aña. Algun dia pasa a pidi team completo di managers pa di forma anonimo vota ken segun nan merece e elogio di wordo nombra empleado di aña 2023.

Cada empleado di luna a wordo yama padilanti durante e magno evento aki y a conta algun 'fun facts' di cada persona. Tambe Hunta di Directiva a elabora riba tur empleado di luna cu ta supermotiva y ta bay "the extra mile" pa

su coleganan, pashentnan y hospital. A enfatisa cu cada un di nan tin un dedicacion extra pa hospital y tur ta contribui na eleva calidad di cuida na hospital. Riba conteo di 10 e dos miembronan di Hunta di Directiva, esta sr. Jacco Vroegop y sr. Gregory Croeze a anuncia cu e honor di empleado di aña 2023 ta bay pa Max Abecia.

Colega Max, nurse na departamento di cuida B3 y tambe conoci como 'the Maxfactor' of 'superMax' a sali empleado di luna di mei 2023 riba Dia di Enfermeria. E ta e 'verpleegkundige met coördinerende taken' (VCT) riba piso y loke ta

resalta di Max ta cu e ta un tremendo teamplayer y ta para cla pa tur hende. No solamente pa coleganan, pero tambe pashentnan y nan famia y no lubida e specialistanan cu e ta trata cu hopi respet. E ta un persona creativo y semper ta enfoka pa trece solucion unda cu tin mester.

Max ta un colega dinamico cu ta inspira otro y alabes ta un di nos profesionalnan

den enfermeria cu hopi dedicacion y pasion pa su trabou, pero tambe un persona hopi humilde. Manera e mes ta bisa 'e elogio aki no por a sosode sin e team completo'.

Gerencia y coleganan ta masha orguyoso di tin Max como colega y sigur esaki ta un tremendo titulo pa Max. Masha pabien cu e reconocimiento fantastico aki!



A.T.A: TA CLAUSURA 2023 CU RESULTADO HISTORICO PA ARUBA

‘Compara cu 2019; volumen a crece cu 11% mientras cu nivel di entrada a crece aun mas’

Desde e inicio di pandemia di COVID-19, Oficina di Turismo (A.T.A.) a bin ta compara cifra di bishitante “stayover” di nos isla cu cifranan di aña 2019, e ultimo aña cu Aruba a mira un record di bishitante prome cu e pandemia. A base di e comparacion di cifra aki por a identifica e recuperacion di Aruba su industria di turismo. Entrante 2024 lo compara cifranan “stayover” cu 2023.

2023 VOLUMEN (“STAYOVER”) TA CRECE CU 11%


Te cu december 2023, Aruba a ricibi un total di 1,243,554 bishitante “stayover”, esaki ta un crecimiento di 11%, compara te cu december 2019, unda a a ricibi 1,118,944 bishitante “stayover”. Si compara e prome 12 lunanan di 2023 cu e prome 12 lunanan di 2022, por wak un crecimiento di 13%, bayendo for di 1,100,997 bishitante “stayover” pa 1,243,554 bishitante “stayover”.

2023 ENTRADA (“TOURISM CREDITS”) TA SIGUI CRECE AUN MAS

Ta midi entrada, es decir e ‘calidad’ di bishitante’, na diferente manera. Entre otro locual bishitantenan ta dispuesto pa paga pa un anochi di estadia y entre otro pa medio di Tourism Credits registra pa Banco Central di Aruba. Den Q3 di 2023, Tourism Credits a aumenta cu 27% si compara e mesun periodo na 2019. Ora nos compara Q3 di 2023 cu Q3 di 2022, Tourism Credits a aumenta cu 3%. Den e periodo di Q1 te cu Q3 di 2023, Tourism Credits a aumenta cu 15% si compara mesun periodo na 2022 y a aumenta cu 25% si compara cu 2019. A.T.A. ta proyecta di por sera 2023 cu un subida di 37% compara cu 2019.

COMPARACION DI DECEMBER “STAYOVER” 2023 DEN COMPARACION CU 2019 Y 2022

Den luna di december 2023 nos destinacion a ricibi un total di 127,331 bishitante “stayover”. Si compara luna di december 2023 cu december 2019 - cu tabata e ultimo aña normal di turismo, por mira cu Aruba a recupera 126.4%



di locual a wordo ricibi na december 2019, cu ta indica un crecimiento di 26.4%. Si compara december 2023 cu december 2022 por wak un crecimiento di 15%.

MERCADONAN Y CATEGORIANAN DI ACOMODACION

Den december 2023 80% di e total di e bishitantenan “stayover” pa Aruba a bishita for di Norte America, 5% a bishita for di Europa, 12% a bishita for di Latino America y 3% tawata procedente di otro partinan di mundo.

Mirando e categorianan di acomodacion, den december 2023 26% di bishitante a keda den hotelnan European Plan, 15% a keda den hotelnan All-Inclusive, 25% a keda den Timeshare y 34% a keda den otro tipo di acomodacion, conoci tambe como short-term vacation rentals (STVR).

SHORT-TERM VACATION RENTALS

Oficina di Turismo (A.T.A.) a conduci un estudio pa actualisa e inventario di ‘Short-Term Vacation Rentals’ (STVR) na Aruba. Un estudio cu ta inclui inventario di Condominiums existente y condominiums cu actualmente ta na caminda pa realisacion, y lista actualisa di lugar di estadia cu no ta un hotel pero cu si ta disponibel na e turista cu ta keda na Aruba pa

un corto tempo (Fuente di lista: Transparent & investigacion adicional MGM Source). Na 2023 28% di esnan cu a bishita a keda na un ‘otro’ tipo di acomodacion, mientras cu 72% a keda na un hotel. E sector di ‘otro’ tipo di acomodacion a conoce un crecimiento di 27% na 2023 compara cu 2022. Segun e resultado di e estudio, por menciona cu den totalidad Aruba ta conta cu 3,748 unidad di STVR activo cu lo por acomoda 17,321 persona.

Si compara december 2023 cu december 2022 por wak cu e ocupacion averahe di e acomodacionnan aki a subi cu 6 punto di porcentahe, for di un averahe di 60% na december 2022 pa un averahe di 66% na december 2023. Si compara december 2023 cu december 2019 por wak cu e ocupacion averahe di e acomodacionnan aki a crece cu 16 punto di porcentahe, for di un averahe di 50% na december 2019 pa un averahe di 66% na november 2023.

Den caso di entrada, si compara december 2023 cu december 2022 por wak cu e categoria a genera un crecimiento den entrada di 51%. Si compara december 2023 cu december 2019 por wak cu e categoria a genera un crecimiento den entrada di 228%.

Short-term Vacation Rentals

	2019	2020	2021	2022	2023
Occupancy	49.7%	48.5%	60.6%	60.0%	66.1%
Revenue	8,569,524	9,300,427	14,347,024	18,558,245	28,087,940

Source: A.T.A. (Transparent)

Short-term Vacation Rentals					
	2019	2020	2021	2022	2023
Occupancy	49.7%	48.5%	60.6%	60.0%	66.1%
Revenue	8,569,524	9,300,427	14,347,024	18,558,245	28,087,940

Source: A.T.A. (Transparent)

Pa ricibi A.T.A. su ‘Statistical Monthly Report’ tur luna, por contacta Melanie Kelly na m.kelly@aruba.com

MINISTER ENDY CROES A ASISTI RECEPCION DI AÑA NOBO DI MARINIERSKAZERNE



Dia 11 di januari ultimo, Marinierskazerne a organisa nan tradicional Recepcion di Aña Nobo. Minister Endy Croes acompaña pa su kerida esposa Dilaila Croes – Odor hunto cu Vice Prome Minister Sr. Ursell Arends y distinguido esposa Tamarah Arends -Croes a atende e recepcion aki. E celebracion special a conta cu presencia di Gobernador di Aruba Su Excelencia Alfonso Boekhoudt y ex - Gobernador Sr.

Fredis Refunjol y demas invitadonan presente a pasa un rato agradabel, brindando pa un excelente 2024. E recepcion ameno aki a tuma luga na Marinierskazerne na Savaneta.

Gobierno di Aruba y Marinierskazerne tin un relacion estrecho, cual sigur ta refleha den e temponan dificil unda mester mantene nos fronteranan sigur. Marina Real ta hunga un rol importante

conhuntamente cu Guarda Nos Costa “Kustwacht”, Aduana y autoridadnan local. Hunto nan ta haciendo trabounan duro pa mantene nos costanan sigur.

Por ultimo, Minister Endy Croes ta gradici comandante Walter Hansen, kende ta Commandant der Zeemacht in het Caribisch

Gebied y comandante di Marinierskazerne Savaneta Luitenant-kolonel, T.A.H Van Wijk pa e invitacion y caluroso recepcion.



Lesnan a cuminsa bek na Chaco Taekwondo Academy



Despues di e dianan di fiesta, Chaco Taekwondo Academy bou guia di tur su Masternan a cuminsa bek cu e lesnan di Taekwondo.

Chaco Taekwondo Academy ta e scol den area di Noord di Taekwondo.

Na aña 2023 Master Melvin Rasmijn, Master Yosmar Wever y Master Miguel Genser a tuma e scol over y a pone hopi enfasis pa e sigui crese.

Chaco Taekwondo Academy ta e unico scol di Taekwondo na Aruba den area di Noord cu tin mas faha preto.

E atletanan cu ta train na Chaco Taekwondo Academy ta haña atencion directo y ta haci cu Chaco Taekwondo Academy tin e miho atletanan di Aruba.



MINISTER XIOMARA MADURO TA INVITA PA SINTONISA UN PROGRAMA INFORMATIVO INTERESANTE DIGITALISACION NA DEPARTAMENTO DI IMPUESTO (DIMP)



Oranjestad – Minister Xiomara Maduro ta continua cu programanan informativo na

television. E biaha aki ta presenta un programa tocante ‘Digitalisacion na Departamento

di Impuesto (DIMP)’. E mandatario ta informa cu e proyecto di digitalisacion na DIMP a

cuminsa na aña 2017 pa mehora e servicio na e contribuyentenan. Durante e añanan cu a sigui DIMP a introduci varios cambio a traves di e sistema online cu ta simpel y moderno pa facilita e contribuyentenan, pa e proceso por cana mas structura y lihe. E

trabounan di digitalisacion ta un proceso intensivo y exitoso. Den e programa aki Directora di Impuesto, sra Luenne Gomez-Pieters ta brinda informacion tocante e trayecto di digitalisa-

cion na DIMP y lo duna tambe un bista di otro trabounan cu DIMP ta haciendo pa mehora e servicio na e contribuyente.

Minister Xiomara Maduro ta extende un invitacion na henter comunidad pa sintonisa e programa ‘Digitalisacion na Departamento di Impuesto (DIMP)’.

E programa lo pasa diahuebs, dia 18 di januari pa 7.30 di anochi na Telearuba y diabierna, dia 19 di januari pa 8’or di anochi na Diario TV.

Pelicula “TIERRAS CALIENTES” ta cla pa su estreno



Despues di lunanan di filmacion y editing den 2023, productor Angel Soto di Stichting Lumiere, Aruba, cu orguyo ta informa Aruba henter cu e pelicula TIERRAS CALI-

ENTES a keda cla. HUMAN TRAFFICKING Un elenco di actornan local y internacional a forma parti di e elenco cu a trata e tema “human trafficking” cu ta trafica-

cion di hendenan muhe cu ta keto bay tumando luga. Estreno

E lansamento ta priminti di bira uno elegante acompaña pa ful e elenco y invitadonan.

CINEMA LOCAL

Pueblo di Aruba ta keda invita pa mira “Tierras Calientes” den luna di februari 2024. E fecha y cinema exacto ta ser duna



dentro di poco.

Tierras calientes lo por ser mira unicamente riba pantayanan grandi di cinema. Nos ta invita Aruba henter pa apoya e produc-

cion local aki cu ta priminti di ta un pelicula cu hopi chens di gana premionan grandi den Festivalnan internacional di cine.



FORTALEZA PA FAMIA

Scirbi Pa Pastor Marcel Balootje.

MURMURACION TA PICA Y KEHAMENTO TA PELIGROSO



Murmuracion ta un acusacion contra Dios, cu Su plan pa bo bida, no ta un bon plan.

Y esey ta locual diabel a hinca den mente di hende pa nan keha y bay contra Dios, ora nan ta ricibi bon pero toch nan no ta agradecido, pa locual Dios a haci.

Ta para scirbi den Exodo capitulo 16 y 17 con Dios a duna Mana for di cielo y awa for di Baranca y toch hende no tabata contento, y Dios a bisa cu pa motibo di nan murmuracion, kehamento, cual a hiba

nan na rebeldia contra Dios, nan lo no drenta e tera priminti, y bi-jbel ta siña nos cu tur a muri den desierto.

Tin un peliger hopi grandi ora hende ta murmura y keha contra Dios, pasobra murmura contra hende, y

keha contra hende, ta e simia di desunion cu diabel ta hinca den cas di famia, pero ora hende ta murmura contra Dios, nan ta lanta e furia di Dios, cual ningun hende no por controla.

Hende orguyoso,ta murmura, awendia nos ta bibando den un tempo peligroso, caminda cantidad di

murmura contra Dios, pasobra nan kier ta muher y nan a nace homber y nan kier ta homber y nan a nace muher, esey definitivamente ta demostra cu nan no ta contento, con Dios a crea nan, y nan

kier haci cambio na nan mes curpa fisico,y nan comportacion emocional y sexual, pa asina demostra

cu nan ta malcontento cu Dios. Y esey ta un peligro hopi grandi cual ta hiba na furia di Dios, si no tin arepentimento (Genesis 19:1-25).

Tur esaki ta hiba nos na e conocimiento di locual ta para scirbi den 2 Pedro 3:7 ta puro berdad, pasobra

Dios lo destrui e mundo aki cu candela,y candela for di shelo, cual ta mas poderoso cu tur bom nuclear

, di Merca, Rusia, China y tur otro pais cu tin poder nuclear, cual ta menasando esnan cu no tin diariamente.

Murmuracion no ta agrada Dios, y ta provoca rabia di Dios.(Numeronan 11:1).

Murmuracion contra lidernan ordena pa Dios,y murmuracion contra locual Dios a aproba tin su

secuencia.(Numbernan 12:1-16). Murmuracion no ta productivo e ta mustra ingratitud.(Mateo 20:1-6)

Mumuracion ta lanta rabia innecesario.(Lucas 5:30).

Murmuracion ta trece desunion.(Hechonan 6:1).

Murmuracion ta encurasha desobediencia.(Salmo 106).

Murmuracion ta stroba bo di comprende e palabra di Dios.

Mumuracion ta haci hende mentalmente malo, pensando cu Dios tin algo contra nan.(Deuteronomio 1:27).

Murmuracion no ta bon pa bo salud Spiritual, Mental, Emocional y Fisico. (Numbernan 14 :26-35).

Hende no tin mester di murmura pasobra Dios tin control di tur cos.(Romanonan 8:28).

Den e ultimo temponan lo tin bofonadonan, cu ta sigi tras di nan pasionnan perverso,esaki nan ta esnan cu ta causa division,hendenan sensual, cu no tin e Spirito.(Judas 1:18-19).

Haci tur cos sin murmura ni discuti.Pa boso proba boso mes, di ta sin culpa,y inosente,yuinan di Dios,sin reproche,meymey di un generacion corumpi,entre caulan boso ta briya manera lusnan den

mundo. (Filipensenan 2:14-15).

Laga tur amargura furia, rabia, griteria,y calumnia,wordo kita for di boso,hunto cu tur malicia.Y pordonando otro mescos cu Dios den Cristo a pordona boso.(Efesionan 4:31-32),

Awendia tin mumuracion moderno calificando e palabra di Dios como anticua, bisando cu e no ta pas den e tempo cu nos ta biba, pero un cos tur hende ta lubida, cu e tempo no ta di nos. Dios tin tur dominio riba e tempo y clima. (Salmo 103:19).

Murmuracion ta aleha bendicion di Dios for di nos bida.

Sinceramente, Pastor Marcel Balootje.

SOPÍ DI LETRANAN

s j l r e s a l e j n t o l r o n e o r
c j f s n w n a s a s r n s i o j n r t
a s d f f o s w w a a e n t i j a s d f
r a n e r m c h i l l y i e c h c n o s
f t s n o w m a n t o c n t e a k l s o
f l a z z z f j d n o a l e s e e n s o
o s n a e e l a s o n d f e k o t n a l
c o n e n e l a s n t i n m a n t o s l
i c e f o t o a s n t e a i t a n e t i
f n s h o t c h o c o l a t e s e r l t
e l a s n a s d l n n c r t s o s w n a
d h u t n c a r l u n x i e n o n t s u
g n s w e a t e r s i d c n r e n o s l
l a l n t i j i o s i e n s o c r a t l
o o r n s l a n e n u v n v o o y f l r
v i n a z o l d n s f i r e p l a c e n
e a r t u i n e l a r o e m o d s n c o
s l d j t s h e a t i n g n t a s d l n
l s j l s a s r f j z s e n c e w o e n
l n r o l r t j d s n o w b a l l n e o

- | | | |
|---------|---------------|-----------|
| scarf | ice | frozen |
| gloves | ice skates | jacket |
| mittens | hot chocolate | sweater |
| snow | reindeer | chilly |
| snowman | cold | fireplace |
| heating | wind | snowball |

Tipline: 585 9500

e-mial: solodipueblo@gmail.com

Inscripcion a habri pa Arte di Palabra 2022



Departamento di Cultura Aruba (DCA) bou di auspicio di Ministerio di Cultura ta organisa anualmente e proyecto Arte di Palabra (AdP), competencia literario di poesia y cuenta cortico pa scol secundario y avansa.

E aña aki lo ta bay ta e di 16 edicion di AdP cu lo tuma luga dia 21 di april 2024 na Cas di Cultura.

Tur alumno di scol secundario di klas 1 te cu 6 y EPI klas 1-2, por participa y por inscribi serca nan docente di Papiamento of via artedipalabra@gmail.com te cu dia 24 di maart 2024.

Por participa den seis diferente categoria:

Poesia

A. Poesia existente klas 1-2

B. Poesia original, klas 1-2

C. Poesia original, klas 3-6/ EPI klas 1-2

Cuenta cortico


A. Cuenta existente, klas 1-2

B. Cuenta original, klas 1-2

C. Cuenta original, klas 3-6/ EPI klas 1-2

Ganado di cada categoria lo bay representa Aruba den e final di AdP ABC, cu ta competencia interinsular entre e ganadonan di Aruba, Bonaire y Corsou. AdP ABC lo tuma luga dia prome di juni 2024 na K-Center Corsou.

Pa mas informacion por yama na DCA su number di telefon: 5822185, of sigui pagina di FB Arte di Palabra Aruba



		8		1		4	6	
5		6	3		8	9	1	2
	2	1	6			8	3	
6			1		4			8
1		2	9	8	3	5		6
	8		7		6			1
⁹	6	3				1	5	4
2			4	3	1	6	8	9
⁹	1	4		6		7	2	3

	3	8				2	4	
6			9		2			1
		4			8			6
4	7	1	2			3	5	
		5					1	
	8	3				6	7	
		6			1	5	2	9
		2					8	

PRONOSTICO DI TEMPO

VALIDO TE DIARANSON 17 DI JANUARI
2024, 18:00 ORA
TEMPO:

**AWE TARDI Y AWE NOCHI:
PARCIALMENTE NUBLA CU UN POSIBLE
AWACERO PASAJERO**

**DEN MARDUGA Y MAYAN: PARCIALMENTE
NUBLA CU UN AWACERO PASAJERO
TE BREVE**

AVISO/ ALERTA:

**UN AVISO PA BOTO CHIKITO TA NA VIGOR
PA PARTINAN**

**OOST TE NOORDWEST DI COSTA Y RIBA
LAMA HABRI.**

**PRONOSTICO DI TEMPO PA PROXIMO 3 DI-
ANAN:**

**PARCIALMENTE NUBLA CU UN AWACERO
BREVE.**

**BIENTO LO TA FOR DI DIRECCION OOST Y
MODERA**

**TE BASTA FUERTE, FUERTE TE DURO DEN
RAFAGA;**

**TEMPERATURA (GRADO CELSIUS) MAX /
MIN LO TA: 32 / 26**

TEAM SNOR TA HABRI AÑA 2024 CU EXITO!



Perez ta entrega e trofeonan di nan torneo “Nos cu Nos 2023” n’e ganadonan, esta Stanley Cecilia y Jeff Ruiz. Ta n’e momento aki, Capitan di Tsunami ta bisa Snor pa miho nan disfruta y celebra awo, ya cu den di dos rond ta Tsunami lo bay cu e victoria. Di biaha Team Snor ta contesta e “soñamento lanta” aki c’un otro sapato blanco y ganando 4 wega tras di otro! Score ta 15 - 7 na favor di e ekipo di Snor Perez! Team Tsunami ta manera nan ta bisa na Hulandes, pone “alle hens aan dek!” y purba style di scapa locual por scapa ai-

nda dje wega. Mester duna Tsunami un pluimpje si pa a wanta duro den di dos rond y gana 10 wega, pero Captain Magda tabatin dos djaca bieu, Roy Sneek y Ronny Tromp, poni come “Safeguard” pa cera e porta y “close the deal” cu 21 - 17! Celebracion grandi a cuminsa di biaha cerca Team Snor, ya cu nan tin dos aña tra’i otro ta habri perdiendo nan wega di salida, pero e aña aki, danki na strategia nobo di Captain Magda, ta otro gay lo canta! Team Snor ta habri 2024 cu exito y ta priminti cu e aña aki cos lo bira spannend!

ORACION DI DIA



Un dia fructifero y cu Dios brasa boso cu Su amor paternal

”A traha sabbat pa hende y no hende pa sabbat”(Marco 2, 27)

Evangelio di awe ta yama nos atencion riba loke ley ta regla den bida:

ordena e relacion den nos comunidad pa haci nos bira consciente di nos propio responsabilidad den e sociedad di cual nos ta forma parti como ser humano. E palabra ”ley” of regla por irita nos un poco. Principalmente ora nos atencion wordo yama riba loke nos a haci robes of ora nos a keda sin haci algo. E camindanan di Dios no ta nos camindanan pa via di nos debilidad como ser humano. Den nos relacion cu nos ruman, ta surgi problema, pregunta, disgusto cu tin biaha nos no por comprende. Experiencia humano ta muestra nos tentacion humano.

Como ser humano nos tin tendencia di haci hende catibo di ley. Mientras cu ley a wordo diseña pa sirbi humanidad, tin bes nos no por comprende e actitud di nos ruman. Tin bes hasta nos no por comprende nos mes actitud. Nos ta bira consciente di esaki ora nos tuma nota cu Dios no ta scoge poderosonan pa cumpli cu Su trabou aki na mundo. Al contrario, E ta scoge humildenan pa muestra poderosonan Su caminda.

Oracion: Señor, manda nos Bo Spirito Santo, e Spirito di amor pa nos sa di busca Bo camindanan pa por sirbi nos rumannan den tur humildad.

Amen.


Calabas/Kudawecha

Shonnan amante di bon domino, Captain Magda di Team Snor a hinca un ekipo monster den otro diasabra ultimo n’e palacio di pega piedra, e unico y exclusivo Domino Square Garden na Kudawecha. E prome wega caba, Team Snor ta demonstra nan “winning formula” ora cu Junior y Pierre pasa e prome sapato blanco di ekipo y di aña nobo! E

promete mita di tempo ta bay sam-sam pero cu Team Snor demostrando nan rival Team Tsunami cu ta Team Snor tin e “edge”. Pocopo e ekipo bou guia di Captain Magda ta piki mas punto cu Tsunami, y ora halftime bati, Snor ta ganando cu 11 - 7. Despues di e snacknan completamente gratis, cortesia di Domino Square Garden, Snor



Polis a detene e conosido “Betto” kende kier a ataca un persona y su cacho cu cuchiu den Panamastraat



Dialuna madruga a drenta informe di cu tin un persona arma cu un cuchiu y cu lo kier staka un persona y su cacho, mesora a dirigi patruyanan na e sitio. Na yegada di e patruya

a bin encontra e conosido “Betto” y a detene y confisca e cuchiu cu e tabata tin den su poder. Polis a bisa e otro persona cu e por bay recherche entrega keho contra di e agresor.

Sweet Pan Music Productions ta presenta 'Honor to Connor Steelband Extravaganza' dilanti Charlie's Bar den mainstreet na San Nicolas

'Sweet Pan Music Productions' un biaha mas ta bay organisa e evento musical, 'Honor to Connor Steelband Extravaganza', y esaki lo ta e di tres edicion di e evento.

Unda nos ta recorda e fecha natal di e Pionero y Legendario den musica di Steelpan Sr. Edgar Connor (d.f.m.) tata di nos artistanan grandi den musica di Steelpan, Nico Connor y Lee Connor. Nos lo conmemora y honra Sr. Edgar Connor cu e evento musical aki dedica na su memoria. Sweet Pan Music bou direcion di Nico Connor y Aruba Panman Foundation bou direcion di Lee

Connor semper a mantene e musica di Steepan bibo y hibe tambe den educacion di nos muchanan y nan lo keda crea diferente plataforma pa sigi encurasha otro Steelbands, Steelpan Players, y crea e interes entre hobennan pa e instrumento di Steelpan pa asina sigi aporta na e herencia musical di Steelpan y aporta na Cultura di Aruba.

Nos ta invita e pueblo di Aruba pa asisti na e evento musical aki dedica na Sr. Edgar Connor (d.f.m.) riba su fecha natal y tambe celebrando Carnaval su di 70 aniversario den cual

Sr. Edgar Connor a aporta en grande cu su musica di Steelpan. E evento aki cu lo tuma lugar diahuebs dia 18 di Januari 2024 den mainstreet na San Nicolas dilanti Charlie's Bar, y e ta completamente gratis pa e pueblo di Aruba por disfruta di dje.

Artistanan Steelbands cu lo forma parti di e programa ta:

- "The Boyz Dem"
- "Jeremy Lampe & Friends"
- "Studentenan di Aruba Panman Foundation"
- "The Aruba Invaders"
- "Nico Connor - Lee Connor"

Parlamentario independiente mr. dr. Rycond Santos do Nascimento:

Amor pa Aruba ta motibo pa apoya Presupuesto 2024 16 di januari 2024



Riba dia 18 di december 2023 Rycond do Nascimento vota pro e Presupuesto 2024. El a tuma su tempo pa scucha tur argumento na fabor y contra e presupuesto aki. Tambe el a compara e presupuesto aki cu nos historia di finanzas publico. Segun e analisis di Do Nascimento presupuesto 2024 tin dos aspecto cu ta haci e historico. Desde 1986 gobierno a hiba un maneho financiero desastroso, culminando cu deficitnan promedio di 300 miyon pa aña durante e periodo 2011-2014. Pa colmo e proyecto Bo Aruba a costa mas cu un biyon florin, mientras cu e administracion di di e proyecto tabata asina malo cu te awe ta imposibel pa investiga ken tur a strica miyones. P'esey Hulanda a obliga gobierno na 2015 pa drenta un trayecto mas sostenibel. Desde cu Aruba conoce supervision financiero a tuma casi dies aña pa Aruba logra su prome presupuesto consecutivo cu ta na tempo y alabes tin

un surplus. Porfin Aruba ta riba e bon caminda, bao liderazgo femenino di señora Evelyn Wever-Croes, pa logra aplica responsabilidad y disciplina fiscal den forma structural, percurando cu nos ingresonan ta supera nos gastonan. Tin un otro aspecto mas cu ta haci Presupuesto 2024 historico. Semper gobiernonan tabata duna prioridad na interesnan partidista y personal riba e consehonan profesional, manera esun di Algemene Rekenkamer, Raad van Advies y nos Sociaal Economische Raad. P'esey awe nos tin problema cu dump na Parkietenbos y e RWZI na Bubali. Pa motibo di e mal maneho desde 1986 awe poder di compra ta abao, cuido medico ta sub-optimal y problemanan social ta grave. Semper politiconan a enrikece nan mes. Nos por a mira esey den e casonan di Paul Croes, Benny Sevinger, Alan Howell y Guillfred Besaril. Tabata normal pa nan fix yen trabaonan den e aparato gubernamental, manera Otmar Oduber a

fix Hans Geerman y aparentemente "tur" tabata duna beneficinan special na comerciantenan acerca na nan partido, enrikeciendo asina hende manera Leoncita Arends.

Presupuesto 2024 ta marca un prome kiebro visibel cu e politica bieu y corrupto. Pa prome biaha e mayoria di e maneho den e presupuesto ta yiu di un colaboracion profesional entre Aruba y Hulanda. Gobierno a haci un cantidad di estudio sistematico (doorlichtingen) cu a informa unda mester bin cambio. Esey no ta nifica cu nepotismo a ser eradica totalmente, pero echo ta cu nos ta riba un rumbo nobo cu tin e potencial pa deshaci di e mal gobernacion di pasado. Asina nos por crea un aparato gubernamental mas competente, aumenta calidad di nos enseñansa y crea un economia cu ta brinda mas oportunidad pa nos ciudadanonan por florece. Do Nascimento ta rechasa manera cu algun politiconan ta uza e dolornan real di e ciudadano pa haci comosifuera cu ta gobierno actual a crea pobresa. E politica di corto plazo aki ta diseña pa enrikece e clase politico, mientras pueblo ta empobrece. No lubida cu tur placa cu gobierno fia, ta pueblo ta paga bek cu interes den forma di impuesto riba cabes di nos yiunan y nietonan. Tambe Do Nascimento ta

rechasa e apoyo cu Accion 21, RAIZ y Gerlien Croes a duna na mensahe cu Mike Eman ta e solucion door di vota pro e mocion cu Mike a trece dilante. Amor pa Aruba ta motibo pa apoya Presupuesto 2024. Ta importante pa

nos cuminsa cera caminda pa cualkier "Old Boys' Club" por bolbe pluma e pais aki, nos tin e obligacion moral pa yuda gobierno keda riba e rumbo di un futuro financieramente saludable. Ta ora pa nos rechasa politica tradicional y hunto lucha pa un estructura

politico-economico nobo. Ban compromete nos mes cu un politica cu ta impulsa principio y pensamiento racional. Ban resolve e desafionan di nos pais na un manera sostenible. Ta asina so nos por construi un futuro miho y mas bunita pa nos yiunan cu nos ta stima.

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 16 Jan 2024 Merdia

LOTTO	LOTTO 5	Joker Letter
Sorteo # 4154	Sorteo #	Proximo Jackpot
2804	0x Jackpot	280.000,-
4575	0x Match 4+	
0940	0x Match 4	
	0x Afl. 12,00	
LOTTO DIA	Sorteo #	Proximo Jackpot
Sorteo # 4154	0x Jackpot	51.000,-
8580	0x Match 4	
	0x Afl. 8,00	
MEGA	Sorteo #	Mega Ball
Sorteo # 2210	0x Jackpot	Proximo Jackpot
8236	0x match 4	370.000,-
	0x Afl. 500,00	
	0x Afl. 50,00	
	0x Afl. 15,00	
MEGA PLUS	Afl. 480.000,-	

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 15 Jan 2024 Anochi

LOTTO	LOTTO 5	Joker Letter
Sorteo # 8146	Sorteo #	Proximo Jackpot
1729	0x Jackpot	280.000,-
5516	0x Match 4+	
9430	0x Match 4	
	0x Afl. 12,00	
LOTTO DIA	Sorteo # 6359	Proximo Jackpot
Sorteo # 7190	0x Jackpot	51.000,-
6774	3x Match 4	
	110x Afl. 8,00	
MEGA	Sorteo #	Mega Ball
Sorteo # 1895	0x Jackpot	Proximo Jackpot
7012	0x match 4	370.000,-
	0x Afl. 500,00	
	0x Afl. 50,00	
	0x Afl. 15,00	
MEGA PLUS	Afl. 480.000,-	

PUEBLO A HAÑA SU PEN BEK
Pa kualkier informacion solodipueblo@gmail.com of 585-9500